



REPÚBLICA DEMOCRÁTICA DE TIMOR-LESTE
PARLAMENTO NACIONAL

ADB ni-nia Apresentasaun ba Parlamentu konabá Operasoens ADB nian

Hafoin simu tiha konvite ida hosi Prezidente Komisaun ba Ekonomia, Finansas no Anti-Korrupsaun (Komisaun C), Sr. Manuel Tilman, ekipa ida hosi Banku Aziátiku ba Dezenvolvimentu halo tiha apresentasaun ida konabá operasoens ADB nian ba Komisaun C iha 11 Novembru 2009. Prezidente komisaun parlamentar sira seluk mos prezente. Apresentasaun ne'e inklui instrumentus finansiamentu no opsoens ba Timor-Leste.

Ekipa ne'e kompostu ho Sr. Sungsup Ra, Diretor, Operasoens Pasífiku nian (Xefe Misaun nian), Sra Laurence Pochard (Reprezentante de País), Sr Rajesh Poddar, Espesialista Tezouru Senior, Sr Jung-woo Kang, Ekonomista Senior, no Sr Jeremy Guthrie, Xefe Ekipa de País. Ekipa ADB nian ne'e realsa tiha katak orasne'e daudaun Timor-Leste bele hetan asesu ba finansiamentu doasaun hosi ADB ni-nia Fundu Dezenvolvimentu Aziátiku, nebé fo empréstimus ho taxa de juros ki'ik teb-tebes no doasoens. Empréstimu konsesional iha periodu vensimentu ka periodu selu hikas tusan naruk to'o tinan 40, inkluzive period karénsia tinan 8. ADB mos explika katak bainhira nasaun sira kontinua halo sira-nia dezenvolvimentu ekonómiku, maka sir abele sai elijível atu asesu finansiamentu hosi ADB ni-nia Rekursus de Kapital Ordináriu ka *Ordinary Capital Resources*, nebé fo empréstimus ho taxa ki'ik liu fali taxa empréstimu komersial nian, ho periodu vensimentu ka selu hikas tusan entre inan ruanulu to'o ruanulu resin lima.

Diskusoens halo tiha konabá oin sa empréstimus konsesional, non-konsesional no komersial funsiona, no termus no kondisoens atu empresta osan no administra empréstimu konsesional sira. Parlamentu mos diskute tiha ho ADB oin sa atu aseguara efikásia no efisiénsia utilizasaun empréstimus, inkluzive importánsia hosi práttikas jestaun finanseira no jestaun dívidas diak teb-tebes ida.

Membrus Parlamentu simu favoravelmente oportunidade atu aprende barak liu tan konabá modalidades finansiamentu oi-oin nebé iha ba Timor-Leste.

Ekipa ne'e mos vizita tiha Prezidente Parlamentu, S. E. Fernando La Sama de Araújo, atu informa nia konabá tipus oi-oin empréstimus ADB nian no opsoens nebé iha ba Timor-Leste.